



# СПОРТ



## КУТАС ВЕЛӨДНЫ В.ЭРДНИ-АРАЕВ

Валентин Николаевич Эрдни-Араев - «Кулөмдин» овмөдчөминса депутат, кион вермасьом куза спортса мастер, кион вермасьом куза федерациялөн районса тренер. Вөчө став верманас, медым районын совмис спорт. Уджалө челядькөд, велөдө вермасыны кион. Зонпосни шедөдлсны вермөмьяс районлөн и республикалөн тшупөдын. Велөдө и полицияса уджалысыас, чукөртчылөны Кебантьельса спортзалын.

- Таво - спортлөн во, - висьталис Валентин Николаевич. - Такөд йитөдын районса олысыас кор анджык өртасыны спорткөд, өнмөдны лысьом,

кыпөдны лов. Та вылө юрсикутын эм став позянлун: уджалөны челядьлы и верстьөлы унасикас секцияяс, эмось лыжион котраланиньяс Кулөмдинын, Носимын да «Пожөма яг» турбазын, кытчө поэь ветлөдлыны став семьяон. Предприятиеясын, организацияясын да учреждениеясын колө лөсьөдны спорт котырьяс, петкөдчыны сиктса да районса ордысьөмьясын. Вөчны стендьяс, нимөдны вермысыас, сикт да район дорысыас. Бур примерон мед вөлины: семьяын - батмам, уджалан котырын - веськөдлысь, сиктын - сиктса

юралысь. Медводз мед водзмөстчисны найө, ас бөрсяныс кыскисны мукөдөс.

Валентин Николаевич өна төждысьө йөзлөн дзоньвидзалун вөсна. Учреждениеясын, организацияясын да предприятиеясын сөрнитө дзоньвидзаон олөм йылысь, нуөдө мастер-классьяс, петкөдлө өнмөдчан упражнениеяс. Уджалө быдса котырьяскөд и өткаяскөд. Медым отсавны унджык йөзлы, кутас йөзөдны «Парма гор» газетын, кыдзи воськов бөрся воськов өнмөдны дзоньвидзалун. Тайө велөдөмсө кутам йөзөдны төлысьон кыкысь.



Кольөм воын Кулөмдиныс Михаил Альбертович Липинлы сетисны Российской Федерацияса спорт министерстволысь «Россиясысь спортса мастер» ним. Пөся чолөмалис да вичмөдис пас да свидетельствө районса юралысь Д.А.Шатохин.

Михаил Альбертович кутис өртасыны спорткөд школаын велөдчигөн на. 26 во нин лэпталө штанга. Петкөдчылис эз сөмын республикаын, но и Россияын. Кыкысьөн вөли Вөлөгдаын да Санкт-Петербургы. Бөрьяс и шедөдис спортса мастерлысь ним.

Лыддьө, мый штанга лэпталөм сетө оз сөмын дзоньвидзалун да збодерлун, но и кыпөдө лов. Зильө кыпөдчыны вылынджык тшупөдөдз.

Михаил Альбертович өни ачыс туйдө-велөдө томьясөс. Ёнмөдчөны Ленин уличавывса өти керкалөн муувса жырйын.

Уджалө били паньд тышкасян федерацияса службалөн сизимөд отрядын. Унаысь петкөдчылис республикаса ордысьөмьясын. Öнi туйсө сетис томьяслы.



## БЫДТӨНЫ ТОМЬЯСӨС

Тайө восө юөртисны спортлөн воин. Кутшөм мөгьяс сулалөны такөд йитөдын, висьталис челядьлөн районса спорт школаин веськөдлысь Екатерина Ивановна МИШАРИНА.

- Зөв нимкодь, мый тайө восө сиисны спортлы. Гашкө, веськөдлысьяс сетасы спорт совмөдөмлы ыджыдджык төдчанлун, кыскасны дзоньвидза олөмө унджык йөзөс. Миян спорт школаын 23 тренер. Быдөнтөн аслас туйвизь: велөдөны котравны лыжион, ворсны волейболысь либө баскетболысь. Кызыннас чукөртчылөны школаяслөн спортзальясын. Районын вит лыжи база. Бөрьялыс восис кольөм во помын Пожөгын. Быдтыны бур спортсменьясөс позянлуньяс эмось. Быд шойччан лунө тренерьяс сиктыясын да посөлокьясын нуөдөны ордысьөмьяс. Тшөкыда чукөртчылам и район тшупөдын Кулөмдинын либө Кебантьельын. Кольөм воын медводдзаысь нуөдисны челядьлөн спорт школаяс костын республикаса спартакиада. Миян районса өтувья котыр 12 район шын лоис коймөдөн. Таво пунктим мог лоны мөдөн. Республика тшупөдын жө вөли лыжион котралөм кузя ордысьөм. Миян спортса лоисны медводдзаон. Тайө петкөдлө тренерьяслысь ыджыд удж. Öткымын том спортсмен дорйө талун оз сөмын районлысь, но и республикалысь ним. Тайө Тимшерысь пасө лыйсысыяс Лариса Кирушева, Виктория Сидоренко да Екатерина Паршукова, кодьяс шедөдисны спортса мастерлысь ним, пырөны Коми республикаса өтувья котырө. Комилөн котырынөс и Кулөмдинысь волейболысь ворсыя Оксана Бульшева, Скөрөдумысь лыжион котралысь Даниил Липин. Бур боксянь пасья найөс велөдсысыас: Тимшерысь А.А.Паршукөс, Кулөмдинысь Т.И.Сидоренкөс, Скөрөдумысь И.Д.Пашининөс, а сизжө Помөдинысь Н.Н.Кармановөс, Пожөгысь В.С.Мингалевөс, Кулөмдинысь А.В.Нестеровөс, Кебантьельысь Х.Г.Исрафиловөс, Кырнышаысь С.М.Курочкинаөс, кодьяслөн туйдөмөн челядь нималөны бур вермөмьясөн.

Зөв нимкодь, мый тайө восө сиисны спортлы. Юрсикутын и сиктпосөлокьясын мунисны унапөлөс ордысьөмьяс, кыпавлис 120-ысь унджык морт. Немдинын да Кырнышаын ордысисны пызанывса теннисысь. Немдинын зоньяс пөвстысь медводдзаон лоис Дмитрий Лодыгин, мөдөн - Александр Лодыгин, коймөдөн - Алексей Хайрединов. Нывьяс пөвстысь медводдзаон лоис Наталья Уляшьева, мөдөн - Юлия Кочанова, коймөдөн - Анастасия Мартюшева. Кырнышаын нывьяс да зоньяс ворсисны өтлаын. Ичөтджык арлыдаяс пивысь медводдзаон петис Аня Напалкова, мөдөн лоис Елизавета Шомысова, коймөдөн - Софья Ефремова. Гырысьдыжык арлыдаяс пөвстысь медводдзаон лоис Ирина Курочкина, мөдөн - Сергей Мингалев, коймөдөн - Ксения Демина.

Вочын ичөт арлыдаяслы вөли биатлон. Медводдзаон лоис Евгений Логинов, мөдөн - Николай Морохин, коймөдөн - Иван Морохин. Кулөмдинын котралисны лыжион. Вермисны Иван да Наталья Зезеговьяс.

Тимшерын ворсисны волейболысь, баскетболысь да ичөт футболысь. Вермис «Ракета» котыр. Кебантьельын ворсисны ичөт футболысь. Вермисны Помөдинса, Кулөмдинса, Кебантьельса да Улыс Вочса котырьяс. Медводдзаон лоисны помөдинсаяс, мөдөн - вочсаяс, коймөдөн - кулөмдинсаяс. Зимстанын көкьямысыянь 13 арөсөдз челядь ордысисны, кодi кыдзи кужө иславны даддьөн да лыжион, ворсисны.

Спортлөн вокод йитөдын миян удж төдчөмөн содас. Таво медводдзаысь котыртам тренерьяс костын конкурс, кодi петкөдлас, кодi медея бура котыртас спорт праздник, кыскас медуна йөзөс. Ми пунктам став вын да сям, мед челядь и водзө нимөдисны районөс да республикаөс.

Лист боксө дасьтис Галина НЕСТЕРОВА.

## ПОМӨСДИНЫН ВОССИС ЛЫЙСЯНИН

Кольөм вося ноябрын лыжион котралан Помөсдинса база дорын, «Феникс» военнопатриотической клуб бердын, кодөн веськөдлө А.А.Глуханич, воссис лыйсянин. Оборудование босьтисны грант вылө, кодөс нажөвитисны республикаса конкурсын. Босьтисны пейнболөн лыйсян 14 комплект.

- Пейнболөн лыйсьөм - выльтор, сийөс кутам совмөдны, - висьталис Александр Андреевич. - Кутам кыдзи ордысыны, сизди и велөдчыны. Районын пейнболөн лыйсянин эм нөшта Носим гөрайывса шойччанинын. Кутам аддысылыны да ордысыны.

## ӨРТАСЬӨНЫ И НЫВЬЯСЫС

Кырнышаысь Вера Семёновна Дөмина ичөтсыянь өртасыө спорткөд. Торйөн нин сьөлөм сергияс лыжион котралөм. Вылыс Ярашьюса школаын, көни сийө велөдчылис, физкультура велөдысь ни спортзал эз вөвны. Ёнмөдчыны босьтис ачыс. Бать-мамыс босьтисны бур лыжи. Пожөгса шөр школаын петкөдчылис нин ордысьөмьясын, шедөдис медводдза вермөмьяс.

Олөмыс топыда йитчылис спорткөд Ухтабердса Водный посөлокын, көни уджалис «Прогресс» заводын. Пырис предприятиелөн өтувья спорт котырө, көни вөлины лыйсысыяс, лыжион котралысыяс, варчысыя да с.в. Шедөдис лыжион котралөм кузя верстьөлысь медводдза разряд.

Веськөдлис саядйөн, сэсыя школа-саядйөн. Пыр адзис кад сувтлыны лыжи вылө. Ёшөдис котравны и Кырнышаса челядьөс, кор уджалис тшөтш челядьлөн Скөрөдумса спортклубын.

- Сиктын олөм майшөдлө, - висьталис Вера Семёновна. - Школа-сад тупкисны кум во сайын. Челядьлы абу некутшөм позянлун содтөд велөдчыны ни совмөдчыны. Вөвлөм шкөлаө чукөртчылөны сөмын ворсны пызанывса теннисон. Мед котравны лыжион, колө ветлыны Скөрөдумөдз. Аттьө тренер Иван Дмитриевич Пашинлы: котраланин вөчлө и Кырнышаын. Öнi уджала лавкаын да петавла кок веськөдигмоз пажун кадын. Котралөм сетө содтөд вын, збодерлун, кыпөдө лов, ачымөс кыла томөн.

Олө семьяон, ыджыд овмөсөн, видзөны мөсөкөс, кукьясөс, ыжьясөс. Асывнас котрөдлө ва,



идрасьө да пелькөдчө. Рытнас бергөдө тайө жө уджс. Гөжөмнас вөдитө градыв пуктас, заптө көрым. Каргупель босьтөлөны 600 ведрөдз.

Вера Семёновна петкөдчылө төвса ордысьөмьясын оз сөмын районын, но и республикаын, дорйө районлысь ним. Вермөмьясысь чукөрмис сы мында медаль, мый оз төд лыдсө. Уна медаль и нывьясыслөн, кодьяс сизжө

пыдди пуктөны спорт. Мария велөдчө юркараса Куратов нима педколледжын, медсясө петкөдчылө кроссын. Юля заочнөя велөдчө вөр институтын, пызанывса теннис кузя өн ворсысь. Ксения сизимөд класса велөдчысь, радейтө сизжө пызанывса теннис да лыжи. Вера Семёновналы нимкодь, мый спорт - медбур өрт и челядьысы. Сыкөд овсьө кыпыдджыка.